

Transkription von Stadtbucheintrag BRB 1375a

Ort, Datierung: Brandenburg an der Havel, 1375-04-21

Signatur: Domstiftsarchiv Brandenburg, Kopialbuch I, 119r

Inhalt: Gebrüder van Konysmarke: Schulderlass für das Stiftskapitel

Jk Roder van konysmarke , hen(n)ingh , oltze alberti , coppele / vn(de) Redeke van konysmarke
Bekenne(n) in dessen open-/brieue , dat wý den Erw(er)digen vader ingode hern dý=/derik Bisscof tũ
Brandeburg , vn(de) synen nakomelingen , / vnde dý h(er)ren gemeynlik vnde sunderlik , vn(de) oũk /
dat gantze capittel tũ Brandeburg , des geldes vnde / gelouedes , dat her Ludewich , in vor týden
Bisscof tũ / brandeburg , vns vorbrieuet heft , vnde dı h(er)ren tũ Bran-/deburg gelouet hebbe(n) ,
vnde ore borgen , segge wı van / vns(i)r vnde van vns(i)r Erue(n) wegen , vnde van alle / der weggen ,
den de brieue , gelt , vnde gelouede , vnde / vorgetucht an langen moghe , ledich vnde los bi(e)¹
dess(i)n / open brieue oũk hebbe wı di(e)¹ vorsproken brieue / vorlorn , Tuirst dı wedder vunden
werden , scole wı sı / weder antw(er)tin , vns(i)me h(er)ren den Bisscope , vn(de) deme / capittle tũ
Brandeburg oũk scoln dı selue(n) brieue / vns vn(de) anders niemande hulpeleke wesen , Tũ ey/ner
openbaren bekantnisse , dess(i)r gentzleker loslatinge / hebbe wi(e)¹ vns(i)me h(er)ren den Bisscope
vnde deme ca=/pittele tũ Brandeburg , dessen brif gegeue(n) besegelt / tũ der nyen stad met vns(i)n
Jngesegel(e)n na godes ge=/bort dritteinhundert iar , in deme vif vnde souen=/tigsten iare , an deme
hilgen pasche auende /

¹ Vokal hochgestellt